

Broj: 47/14
Sarajevo, 24.3.2014. godine

Na osnovu Statuta Udruženja filmskih radnika u FBiH i člana 1. o Opštim odredbama Udruženja filmski radnika u BiH, te člana 8. o Djelatnostima Udruženja, Skupština UFRuBIH 15. 1. 2014. godine donosi

PRAVILNIK O NAGRADI IVICA MATIĆ

član 1.

Nagrada se dodjeljuje jednom godišnje uzimajući u obzir kalendarsku godinu i uspjehe tokom kalendarske godine.

član 2.

Nagrada se dodjeljuje jednom ili više članova Udruženja filmskih radnika u FBiH.

član 3.

Nagrada se dodjeljuje:

- za ukupan doprinos bosanskohercegovačkom filmu (za umjetnike i saradnike); i/ ili
- za istaknuto filmsko djelo koje je u godini za koju se nagrađuje napravilo zapažene rezultate na domaćoj i/ili međunarodnoj filmskoj sceni.

član 4.

Upravni odbor (prema članu 28. Statuta UFRuBIH) imenuje tročlanu komisiju za određivanje dobitnika nagrade koja se nominira iz reda članstva UFRuBIH među kojima je jedan član Upravnog odbora, a koji nemaju direktan konflikt interesa i nisu kandidati za nagradu. Komisija neovisno donosi Odluku o dobitniku/ dobitnicima nagrade koju dostavlja Upravnom odboru na usvajanje.

Komisija za nagradu Ivica Matić donosi odluku o nagrađenom članu ili članovima, imajući u vidu dostignuća u filmskoj umjetnosti člana ili članova u toj godini prema članu 1. ovog Pravilnika, ili imajući u vidu cjelokupnu karijeru člana, ukoliko se radi o nagradi za ukupan doprinos bh. filmu.

član 5.

Nagrada se sastoji od plakete, i od novčanog dijela ukoliko postoje uslovi za to.

član 6.

Pravilnik stupa na snagu sa danom donošenja.

Predsjednica

Ines Tanović